

Kayëte ndënkwëryënkw mba Pol nte kerëhnëkëhni vëvë Tesalonik Wade yehëhna hnë inji kayëte

Afayik Pol, gë Silas do gë Timote, Korent hna kerëni anj kayëte mpëdara yëbëlan bëhn wafëhw wahnah gë imbëd gë wahnah gë bëhn wafëhw imbëd gë wahi (49 gë 52) ga ndëcëk hnagi Yesu ÿa.

Pol yankëtahnëk Tesalonik wati yas higëna lëwü ÿa. Nkol ña Masedëwan hna nke nte kwëhnëko naŵ mbë Rom ña, tëfary wov, nkol gwafa. Bulunda wasëwif ŵa njabëniho. Wasëwif wayabah vëŵawëlohna karañ Pol ña do antaniha nkol hna (Vantiyehn 17.1-9). Bare Cery Sali ña pëlëk vënkahn va do njawënak. Timote njankëtahnëkëhni vële hwëtahnëk va, mbarëpëla vële wok vëyena wasëwif do gë wasëwif wale hnëmpëtak nkeni vële hwëtahnëka Këris.

Timote wadëŵ hni ña njonëhnika Pol Korent hna do hnam kerëhnënihëhni anj kayëte. Hnë anj kayëte Pol njëtëndanëkëhni hnatah lëwü soñe ikahnënda nte tufahnëni vële hwëtahnëk Tesalonik va hnë njasa ntëw hni gë Këris. Wëlakënde horot hna nkok njawëni.

Pol kamënaŷehnedëhëhni. Atac ikarañ

njêdand paŋare vêsêm do iboka Këris ɲa (4.13–5.11). Njêdahnêd simpaŷi do wahnira watêkwa.

Wëlin wanës wakwëhn nafa hn'iŋi kayête: wanës, ikwëtahn, iŋahn, uhorot, fac, vëŷënta, vêsêm, yam.

Wëlin gante nke kayête ka:

Simpaŷi (1.1)

Gante kwëtahnëni vëvë Tesalonik va (1.2–3.13)

Ankeya nte ñaɗ Wën (4.1-12)

Ibëhn vêsêm gë fac Ahwëhn a (4.13–5.11)

Siyab rëkwa gë simpaŷi (5.12-28)

Simpaŷi

¹ Ami Pol gë Silas do gë Timote herëhnëryidëhu, wühnë vëvë cery sali vë Tesalonik le kwëhnëk Wën Rëm ŷa do gë Ahwëhn a Yesu Këris: Arabi ipërëna gë yam ŷa nke gë wühnë.

Ikwëtahn vëvë Tesalonik

² Kwëlëkwël camehnëdëfunëha Wënu ɲa soŋe hun fop ŷa do njêfanëderun nte-wo-nte njêfadëfun ɲa.

³ Ndënkwëtaɗëfun kwëlëkwël haryënkwa Wënu Rëm fu hna vantiyehn vante watik hn'ikwëtahn hna, waɗoku wante watik hn'iŋahn hna do gë iduñëna nte watik hn'itamahn hun paɗ g'Ahwëhn fu Yesu Këris.

⁴ Vëŷënta mën, vële ɲahnëk Wën, njëtinëk Wënu ɲa rëhnaku

⁵ kabi Wanës Wakasëk ɲa pëyayiluhna gë wanës ɲi fo, bare gë fanka fa, g'Iyir Ipacah ɲa do g'ikwëtahn ipadah ɲa. Njëtërun gante nkeho

vankeya fu va fagant hun hna; soŋe ufërën hun yeho.

⁶ Wuhnë vërëfëtalahn fu yerun do gë vërëfëtalahn Ahwëhn a yerun; nuŋarun wanës ɲa hnë wati horot hna, gë uhnatah ule w̄atik hn'Iyir Ipacah hna.

⁷ Koyëna nkerun vële tëfëtalahnëdëni vahnë vële hwëtahnëka Këris va Masedëwan hna gë Akayi hna.

⁸ Ýal hun hna wanës Ahwëhn a campik gena Masedëwan hna gë Akayi hna fo, bare ikwëtahn hun Wënu ɲa njëtik gante-wo-gante. Awa, balëlëfuhna hnësëfu watac.

⁹ Vahnë va fop tëfëtaďëni gante kacarunëhëfuno ka ante njiryibunëho ýal hun hna do gante tavërunëho waravahn aryokunëhnënduna umë ale ye Wën paryi,

¹⁰ do ahnapënduna Aju ale w̄atid g'ambin ýa. Ajë arac, umë ye, Yesu nte mbëhnëndanëk Wën hnë vësëm hna, do fehëtëkëfu hn'ikitiɲ Wën nte yejëk ɲi.

2

Doku Pol Tesalonik hna

¹ Vëyënta mën, njëtërun, w̄uhnë dënk, ante njiryibunëho ýal hun hna gelohna uhnëfak këm!

² Njëtërun, Filip hna korotehniibunëho ten do njewëdëfëbunëho rëkahnindëfu ýal hun hna. Bare Wënu ɲa njawënenëkëfuno wasakahn w̄a soŋe ahnësëhnañiwu Wanës Wakasëk ɲa mama mëtaryandëfëbunëho d̄us.

³ Wac ule wăcëbunëhëhni vahnë va matina hn'idënt, ma hnë vinahan vide wok pacëna, do yëkëlehnëdilëfuhna rokafuna ahnë!

⁴ Hali! Gante ñad Wën ka nësëdëfun. Wënu ña catahnëka gë fuhnë, umë hwëtehnaahnëkëfu fëyahñëfu Wanës Wakasëk ña. Yëkëlehnëläfuhna vahnë nëñahnëhni gë fuhnë, Wënu ña nëña gë fuhnë yadëfun, umë ale fëcëtaď walaŵary fu ŵa.

⁵ Njëtërun kobëri dehnëläfuhna wanës wapërën ahnëñënahniŵu, do inahn fu ña gelohna soñe hnuŷahnëfu hnapul, Wënu ña sedë ye.

⁶ Yëkëlehnëläfuhna icëkwary ahnë, icëkwary hun ma icëkwary vëyëntaŵ.

⁷ Kokëndëbunëho arufiŵu ucankaf fu ña, fuhnë vëfayik Këris va, bare nëñënaabunëho fagant hun, had hnëm nte fabëkëhni vutah vuntëŵu.

⁸ Soñe inahn nte hwëhnaabun yal hun hna, kahnëndaabunëho, gena ayëďayiwu Wanës Wakasëk Wënu ña fo, ayëďayiwu fëna vintaŵary fu va. Ha, inahn dëŵ fu soñe hun ña nkwënako ďus!

⁹ Vëyënta mën, ndënkwëtaďun ďoku ŷakah fu ŷa gë ambër fu ña. Ndokunëďëfunëho g'umëď gë g'anent, soñe antë yefu warib hun ga karañëďerunëho Wanës Wakasëk Wënu ña.

¹⁰ Nkeya catah do cañah hwëhnaabunëho hnë ŵuhnë vële hwëtahnëk hna. Ñoñ gena ile hodebun hnirayifu, waseďe warac yerun do Wënu ña fëna sedë ye.

¹¹ Njëtërun fëna, (ale-wo-le hnë ŵuhnë)

ntiyirunëho ndampo fo gante nkeɗ rëm gë vutah vuntëwū ka.

¹² Kamënaŷehnirun do njawënaŷehnirun, tēyirun gë fanka ayewu gante ñad Wën ka umë ale wacëdëhu hn'Inaw̃ dëwū do gë hnë icëmb dëwū hna.

¹³ Do fëna, soŋe rac samehnëdëfunëha Wënu ŋa kwëlëkwël soŋe iyin: ante karaniferunëho wanës Wënu ŋa, nëpadunëho do had wanës Wën mawërunëho; mawëlunohna had wanës vahnë. Ha, paryi nke Wën hna matik do ndokunɗɗ hnë w̃uhnë, vële hwëtahnëk vi.

¹⁴ Ha, vëyënta mën, tēfëtalahnërunëhëhni vëvë vacery sali Yuɗe va, vële kwëhnëk Wën hwëtahnëka Yesu Këris va. Vahnë vëvë nkal hun va korotehnënihu, had gante korotehnënihëhni wasëwif w̃a vëvë vacery sali vatac.

¹⁵ Wasëwif w̃i ryawëka Ahwëhn a Yesu gë wakila ŋa, do fuhnë korotehnënihëfu. Vëlidina ile hnëjëdëha Wënu ŋa do vëyëw̃ vahnë va fop nkeni,

¹⁶ kabi memaŷehnëdëfënihëfu antë hnësëhnëfuni vële wok vëyena wasëwif va wante fehëtëdëhëhni ŋa. Koyëna padënëŋa padënëdëni wameh wante ntifëniho kobëri ŋa. Bare ntavah Wënu ŋa tək njohahnëhni.

Iña Pol mbok nuhni vëvë Tesalonik

¹⁷ Vëyënta mën, ge fuhnë ye, tēfëkawo aravëtayiwu fampëd; paryi nke goyilënëhna nulënden, bare wasakahn fu hna tavëlilënëhna! Përëkëfu d̃us gë w̃uhnë do ntibun fop soŋe avok ahnuhahniwu.

¹⁸ Awa pëhnabunëho yiryifu ayëkijiwu, do ami dënk Pol, pëhnabuho wahwënta wayabah, bare Sintani memaÿehnëkëfu.

¹⁹ Ye ye itamahn fu ña, uhnatah fu wã, dahëse imëk idëw fu ña ge gena wuhnë? Do soñe hun ÿa cëkwadëfun haryënkw Ahwëhn fu Yesu ge mbokajëk.

²⁰ Ha, wuhnë ye icëmb fu ña g'uhnatah fu wã.

3

¹ Soñe rac ye, kabi cilëtabunëho napi ña, umë cañahnëkëfu wofu fuhnë fo Aten hna,

² do cañëtëryibunëha Timote, aÿënta fu ÿa do ye aryokuñënta Wën hn'ikarañ vahnë Wanës WakasëkKëris ña. Payëryibunëha soñe njawënaÿehnu do kamënaÿehnu hn'ikwëtahn hun hna,

³ soñe antë ahnë cilëta horot ile liderun ÿa. Njëtërun wuhnë dënk, iÿi sifa horot tëfëka nkefu.

⁴ Ante nkebunëho ÿal hun ña pëyayirunëho nuÿaden wahorot wasankaf, do umë yehu, njëtërun dus.

⁵ Soñe rac fayëryibuha Timote, kabi cilëtabuho nap inja, njiryi pëcëtaj soñe ikwëtahn hun ña. Ntakëkowo Sintani njëkëhnahnu do ðoku sankaf fu ÿa fop nke nafa këm.

⁶ Tame Timote mbokajëk, tëfëtanëkëfu wanës wakasëk wanëñah soñe ikwëtahn hun ña g'inañah hun ña. Ntehnëkëfu wapëren ryënkwëtafunëhëfu do përeku gë fuhnë had gante përekëfu gë wuhnë ka.

⁷ Soŋe rac ye, vēyēnta fu, hnē uryēñah fu hna fop gē horot fu wā, ikwētahn hun ŋa kamēnaŷehnēkēfu.

⁸ Tame tisēkēfu kaŋi nkorun ahambēnawu Ahwēhn hna.

⁹ Hak ga tēfēkēfu samehnēfuna Wēnu ŋa, soŋe uhnatah sankaf ule yēfādunēhēfu haryēnkw lēwu ŷi?

¹⁰ G'umēd gē g'anent njēfādēfunēha gē idēñan soŋe maŷēryanēfu mbok nulin do fādēnēfu ile wojēk hn'ikwētahn hun hna.

¹¹ Arabi Wēnu ŋa umē dēnk, Rēm fu ŷa, gē Ahwēhn fu Yesu pidētēhnēnihēfu nkaŷ ŋa paŋ gē ŷal hun!

¹² Arabi Ahwēhn a nkwēnēndu iŋahnēl hun ŋa hafo kob do g'iŋahn vahnē fop ŋa, gante nke iŋahn nte hwēhnabun soŋe hun ŋa.

¹³ Arabi njawēn koyēna wasakahn hun wā hnē icat nte wok kwēhnana ile hniraderun haryēnkw Wēn Rēm fu ŷa, hnē fac le mbokahnid Ahwēhn fu ŷa Yesu gē fop vēlēwu va!

4

Ankeya nte ñad Wēn

¹ Awa koyēna, vēyēnta fu, ñēŋarun hnē fuhnē ankeya nte rēfēka ahwēhnawu nēŋahna Wēnu ŋa gē wuhnē. Do tac dēnk hwēhnarun. Bare tēyēderun do nkabēderun, g'uŷac Ahwēhn a Yesu, yiryin haryēnkw fo!

² Kaŋi njētērun siyab ule yabirun Ahwēhn Yesu hna matik.

³ Ile ñad Wēn ŷa, rac ye: ayegahnu vēfacah do ahehawu fop ndakēntal meh ŋa.

4 Ale-wo-le hně wũhně njět mēnkw mbahn dēwu ŋa hn'ufacah, do hn'untēnah.*

5 Ant'aŵaŵu iña meh ŋa mēku, had vēle wok vēyētēlahna Wēn vi.

6 Hně waŋi, ahně tēfēlahna nti ile wēnēdēha aŷēntaŵu ale hwētahnēka Wēn, ma tokahna. Tēkēbun ahnēsēhniwu do pēyayirun g'afērēn: Ahwēhn a korotehnēdēhēhni vēle liđ rac va.

7 Wēnu ŋa macēlēfuhna soŋe ndēkarēnden g'ale-wo-ale, bare soŋe nkeyin vēfacah macēkēfu.

8 Soŋe rac ye, ale wēyēk iŋi gab ŋa, gena ahně ŋwēyēhnēk, Wēnu ŋa ŋwēyēhnēk, umē ale yēdadēhu Iyir Ipacah ŋa.

9 Soŋe iŋahnēl ŋa vēyēnta mēn, balēluhna aherēhniwu, kabi Wēnu ŋa ŋaŋēndēku gante ŋahnēlēdun ka.

10 Ha, iŋahn tac ye nte rufahnēdun hně vēvē Masedēwan va fop, vēle hwētahnēka Wēn. Bare vēyēnta fu, kamēnaŷehnedērun aliwu ntēbi koyēna.

11 Yēkēlehnēryindēn ayewu yam, pabēryin wadēwun fo do arokēndu ŋacēŋac hun ŋa fo, had gante ntehnirunēho ka.

12 Koyēna vēle wok vēhwētahnēlahna Wēn va ntēnēndēni nkeya hun ŋa, do kat antē aramahnuni vēyēnta hun.

Ibēhn vēsēm gē fac Ahwēhn a

* **4:4 4.4** *Ale-wo-le hně wũhně njět mēnkw mbahn dēwu ŋa hn'ufacah, do hn'untēnah.* Kođe nkwēryi fēna ŋēŋa ŋēwēlahn gē asēvalu ma ŋēŋa had gante ntide ahnuŷahn asēval.

¹³ Vëyënta fu, ñadëfun ayëtu toña ÿa soje vële sëmëk va, soje antë ahwëhnawu yiwëhñah gë vëyëntaŵ ki vële wok vëramahnëna vi.

¹⁴ Age kwëtahnëbun Yesu cëmëko do mbëhn, kwëtahnëbun fëna Wënu ña mbarëdëhëhni gë Yesu fop vële hwëtahnëdëha do cëmatëni va.

¹⁵ Wëlin wante fëyaderun ye wanës wante karañëkëhniwo Ahwëhn ña vahnë va: vële yeyinëk vi wod vësëmëna mbokahnind Ahwëhn a, vëryënkwëhnëdëfilëhñihna vële sëmëk va.

¹⁶ Fac rac, cëlid Ahwëhn a umë ndënkwa g'ambin, gë kopa le wăcëd, gë kopa asankaf wamëleka, do gë kopa lënkwa Wën ÿa. Vële sëmëk g'ikwëtahn Këris va ryënkwëd mbëhnëni.

¹⁷ Tac fuhnë vële woyinëk cëmilënëhna wati rac va, nufëdenëhëfu gë vëhni hnë vëjar njiyin pankëlin g'Ahwëhn a g'ambin, do koyëna g'Ahwëhn a nkedën kwëlëkwël.

¹⁸ Awa ale-wo-le kamënaÿehna aÿëntaŵu ÿa gë wañi wanës.

5

Ikwët hakili hn'inap Ahwëhn hna

¹ Vëyënta fu, soje yamani ÿa gë wati ÿa, balëluhna aherëhniwu.

² Njëterun wapacëk wuhnë dënk fac Ahwëhn a tëkid had gante tëkid ale ÿa g'umëd.

³ Ge vahnë va ntehnëdëni: «Fop yam fo ye, ntakah gena!» Awa hnë wati rac ile vëvehnëdëhëhni ÿa nañëtëdëhëhni had lav donk hnag asëval, do la aryampo kodina peh.

4 Bare w̃uhnē, vēyēnta mēn, geluhna hn'umēhwēry hna, do iyi fac kodina nanjētu had ale.

5 W̃uhnē fop vutah humpen yerun, vutah fac. Gena umēd hwēhnēkēfu, ma umēhwēry.

6 Awa antē ndakin wakwēd had gē vēyēnta w̃ ki, bare ɲesēnēfu do kwētīn hakili.

7 Vēle ryakēd wakwēd va, g'umēd ga ndakēdēni do vēle ryēwēd va, g'umēd ga ndēwēdēni.

8 Bare fuhnē, vēvē g'anent vi, kwētēnēfu hakili: cudānēfu g'ikwētahn ɲa do g'ɲahn ɲa had gē viyi viwēta, do g'apēnk w̃ mēta nte ye itamahn ipēh ɲa.

9 W̃ēnu ɲa tēhnalēfuhna nuɲayin ntavah ntēw̃u ɲa, bare nuɲayin ipēh ɲa gē Ahwēhn fu ɲa Yesu Kēris.

10 Soɲe fu ɲa cēmēk Kēris nkehahnin gē umē, sēmīnēk cēmīlēnēhna.

11 Awa, kamēnaɲehnlēryindēn do ya w̃ēnēlēryin hn'ikwētahn hna, had gante rēkērun alindu ki dēnk.

Siyab rēkwa gē simpāyi

12 Vēyēnta fu, tēyēderun waɲi: dēnēnēryinēhni vēle ryokunēd, vēle vērad d̃us soɲe hun, vēle yēkadēhu do yabēdēhu hn'ifēmēnkēl hun g'Ahwēhn.

13 Dēnēnēryinēhni d̃us do aɲanduni d̃us soɲe d̃oku le ntīdēni ɲa. Geryin yam yēbēlan hun.

14 Vēyēnta fu, mbokēderun a w̃untayiwu iɲin: niryindēnēhni vēle hēmak va. Kamēnaɲehnlēryindēnēhni vēle yamēk va, d̃emaryindēnēhni vēle nkok yabēna fanka

hn'ikwõtahn va, ðuñënanëhnëryindënëhni vahnë va fop.

¹⁵ Kwëtëryin hakili, antë ahnë nkwëcaga ale lika uweh! Yëkëlehnëryindën kwëlëkwël alindu fëren, yëbëlan hun do gë vahnë va fop.

¹⁶ Geryin kwëlëkwël hn'uhnatah hna.

¹⁷ Yëfaryindëna Wënu ña kwëlëkwël.

¹⁸ Camehnëryindëna fale-wo-fale fa. Rac ye le napëd hnë wuhnë vële vëmënkëlëk hnë Yesu Këris va.

¹⁹ Ant'awëmaÿehnuna Iyir Ipacah ðoku lëwu hna;

²⁰ ant'ayafu wanës wakila ña.

²¹ Pëcëtaryin fop watac do kwëtaryin ile fërenak ÿa;

²² keharyin weh-wo-weh.

²³ Arabi Wënu hwëhn yam ÿa nti ayewu vële padëk ufacah; arabi hakili hun ÿa gë ntaÿary hun ña do gë vimbahn hun va nko pad, hara kwëhnana ile nirande hafo hnë fac le njijëd Ahwëhn fu Yesu Këris hna.

²⁴ Wën le wäcëku ÿa kahnëndak: ntid rac.

²⁵ Vëÿënta fu, wuhnë fëna yëfanëhnëryindënefu.

²⁶ Gaÿëryinëhni vële hwëtahnëka Yesu va g'inqahn nte rufande vëÿënta hna.

²⁷ Tëyëdëmu g'uÿac Ahwëhn a, arabi anj kayëte karanëhnini fop vëÿënta fu va.

²⁸ Arabi ipërëna Ahwëhn fu Yesu Këris ña nke gë wuhnë!

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e